

სახელმწიფო შესყიდვის
ხელშეკრულება № 624.03.20

ქ. თბილისი

29 დეკემბერი 2020 წ.

ერთი მხრივ, შპს „საქართველოს გაზის ტრანსპორტირების კომპანია“ (შემდგომში – „შემსყიდველი“), წარმოდგენილი მისი გენერალური დირექტორის მოადგილის გიორგი ხახუბიას სახით, და მეორე მხრივ, შპს „ჯეო ტექნიკ“ (შემდგომში – „მიმწოდებელი“), წარმოდგენილი დირექტორის, შალვა ასლამაზაშვილის სახით, „სახელმწიფო შესყიდვების შესახებ“ საქართველოს კანონის 161 მუხლის პირველი პუნქტის და „შემსყიდველის“ მიერ გამოცხადებული ელექტრონული ტენდერის (SPA200002962) საფუძველზე, ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

- 1.1. წინამდებარე ხელშეკრულების საგანს წარმოადგენს კომპიუტერული ტექნიკის (CPV-30200000) (შემდგომში – „საქონელი“) შესყიდვა.
- 1.2. საქონლის დასახელება, რაოდენობა და განფასება მოცემულია დანართი N1-ში და წარმოადგენს წინამდებარე ხელშეკრულების განუყოფელ ნაწილს.

მუხლი 2. მხარეთა უფლება-მოვალეობები 2.1.


„მიმწოდებელი“ ვალდებულია:

- 2.1.1. გადასცეს „შემსყიდველს“ ნივთობრივად და უფლებრივად უნაკლო საქონელი;
- 2.1.2. მიაწოდოს „შემსყიდველს“ ხელშეკრულებით გათვალისწინებული საქონელი, აგრეთვე მასთან დაკავშირებული დოკუმენტაცია ხელშეკრულებით გათვალისწინებული ვადებისა და პირობების შესაბამისად;
- 2.1.3. ხარისხიანად და ჯეროვნად შეასრულოს ხელშეკრულებით ნაკისრი ვალდებულებები.
- 2.2. „მიმწოდებელს“ უფლება აქვს:
 - 2.2.1. მოსთხოვოს „შემსყიდველს“ ამ ხელშეკრულებით გათვალისწინებული საქონლის ღირებულების გადახდა წინამდებარე ხელშეკრულებით განსაზღვრული პირობებისა და ვადების შესაბამისად.
- 2.3. „შემსყიდველი“ ვალდებულია:
 - 2.3.1. მიიღოს ხელშეკრულებით განსაზღვრული საქონელი და მოახდინოს სრული ანგარიშსწორება „მიმწოდებელთან“ ხელშეკრულებით გათვალისწინებული პირობების შესაბამისად;
 - 2.3.2. ხარისხიანად და ჯეროვნად შეასრულოს ხელშეკრულებით ნაკისრი ვალდებულებები.
- 2.4. „შემსყიდველს“ უფლება აქვს:
 - 2.4.1. მოსთხოვოს „მიმწოდებელს“ საკუთრების უფლების გადაცემა წინამდებარე ხელშეკრულებით გათვალისწინებულ საქონელზე;
 - 2.4.2. მოსთხოვოს „მიმწოდებელს“ ნივთობრივად და უფლებრივად უნაკლო საქონლის მიწოდება;
 - 2.4.3. მოსთხოვოს „მიმწოდებელს“ მოწოდებული უხარისხო საქონლის შეცვლა.

მუხლი 3. ნივთის მიწოდების ვადები და მიღება-ჩაბარება

- 3.1. „მიმწოდებელი“ ვალდებულია მიაწოდოს „შემსყიდველს“ წინამდებარე ხელშეკრულების დანართი N1-ით გათვალისწინებული საქონელი ხელშეკრულების გაფორმებიდან 30 (ოცდაათი) კალენდარული დღის განმავლობაში.

ი. თაღიაშვილი ე. ზაბახიძე გ. ქარაზანიშვილი ზ. ოქრომჭედლიძე ბ. გოგრიჭიანი ფ. სტეფნაძე



3.2. საქონლის მიწოდების ადგილი – ქ. თბილისი, შპს "საქართველოს გაზის ტრანსპორტირების კომპანიის" ადმინისტრაციული შენობა, გლდანის რაიონი, გლდანი, I მ/რ მიმდებარედ, (ნაკვეთი N1/40)

3.3. საქონლის მიწოდება დასტურდება მიღება-ჩაბარების აქტ(ებ)ით, რომელსაც ხელს აწერენ მხარეთა უფლებამოსილი წარმომადგენლები.

3.4. „შემსყიდველს“ უფლება აქვს უარი თქვას ნაკლის მქონე საქონლის მიღებაზე.

მუხლი 4. ხელშეკრულების ფასი და ანგარიშსწორების წესი

4.1. მისაწოდებელი საქონლის ჯამური ღირებულება შეადგენს 94954 (ოთხმოცდათოთხმეტი ათას ცხრაას ორმოცდათოთხმეტი) ლარს საქართველოს კანონმდებლობით გათვალისწინებული ყველა გადასახადისა და გადასახდელის ჩათვლით.

4.2. ანგარიშსწორება მოხდება 2021 წლის სახსრებით, უნაღდო ანგარიშსწორებით ლარში, ფაქტიურად მიწოდებული საქონლის შესაბამისად, „შემსყიდველისთვის“ ხელშეკრულების 3.3. პუნქტით გათვალისწინებული მიღება-ჩაბარების აქტ(ებ)ისა და საქართველოს კანონმდებლობით განსაზღვრული შესაბამისი საგადახდო დოკუმენტაციის წარდგენიდან 10 (ათი) სამუშაო დღის ვადაში.

მუხლი 5. ხელშეკრულების მოქმედების ვადა და შეწყვეტის პირობები

5.1. ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2021 წლის პირველი მარტის ჩათვლით.

5.2. ხელშეკრულების შესაბამისი მუხლები ძალაში რჩება, მხარეთა მიერ ნაკისრი ვალდებულებების სრულ ამოწურვამდე.

5.3. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.

5.4. „შემსყიდველი“ უფლებამოსილია ცალმხრივად მოშალოს ხელშეკრულება თუ „მიმწოდებლის“ მიერ მიწოდებული საქონლის ხარისხი არ შეესაბამება წინამდებარე ხელშეკრულებით დადგენილ პირობებს.

5.5. „მიმწოდებელი“ უფლებამოსილია ცალმხრივად მოშალოს ხელშეკრულება „შემსყიდველის“ მიერ მისაწოდებელი საქონლის ხელშეკრულებით გათვალისწინებული ღირებულების და ვადების შესაბამისად აუნაზღაურებლობის შემთხვევაში, რა დროსაც მას უფლება აქვს მოითხოვოს ღირებულების გადაუხდელობით და ვადების დარღვევით გამოწვეული ზიანის ანაზღაურება.

5.6. მხარეთა მიერ ხელშეკრულების მოშლის სხვა საფუძვლები რეგულირდება საქართველოს კანონმდებლობით დადგენილი წესით.

მუხლი 6. საქონლის ხარისხი და გარანტია

6.1. „მიმწოდებელი“ იღებს ვალდებულებას, რომ მიწოდებული საქონლის ხარისხი უპასუხებს ხელშეკრულებით გათვალისწინებულ პირობებს.

6.2. „მიმწოდებელი“ იძლევა გარანტიას, რომ მის მიერ მიწოდებულ საქონელს არ გააჩნია ქარხნული წუნი ან დეფექტი. წინააღმდეგ შემთხვევაში „მიმწოდებელი“ ვალდებულია საკუთარი ხარჯით შეცვალოს საქონელი ახლით, ქარხნული წუნის ან დეფექტის გამოვლენის თაობაზე შესაბამისი შეტყობინების მიღებიდან 10 (ათი) სამუშაო დღეში.

6.3. საგარანტო პერიოდი განისაზღვრება წინამდებარე ხელშეკრულების დანართი N1-ის შესაბამისად და იწყება მიღება-ჩაბარების აქტ(ებ)ის გაფორმების დღიდან.

მუხლი 7. ხელშეკრულების ინსპექტირების პირობები

7.1. „მიმწოდებლის“ მიერ ხელშეკრულების პირობების შესრულებაზე კონტროლს ახორციელებს „შემსყიდველის“ მიერ შექმნილი ინსპექტირების ჯგუფი.

ი. თადეაშვილი ე. ზაბახიძე გ. ქარაზანიშვილი ზ. ოქრომჭედლიძე ბ. გოგრიჭიანი ფ. სტეფანაძე

7.2. „შემსყიდველი“ უფლებამოსილია, საქონლის მიწოდების დამადასტურებელი მიღება-ჩაბარების აქტის გაფორმებამდე ჩაატაროს ინსპექტირება საქონლის ხელშეკრულებით გათვალისწინებულ მოთხოვნებთან შესაბამისობის დადგენის მიზნით.

7.3. ინსპექტირებისას გამოვლენილი ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“.

მუხლი 8. პასუხისმგებლობა და ხელშეკრულების პირობების შეუსრულებლობა

8.1. მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას წინამდებარე ხელშეკრულებისა და მოქმედი კანონმდებლობით დადგენილი წესის შესაბამისად.

8.2. მხარის მიერ ხელშეკრულების პირობების სრული ან ნაწილობრივი დარღვევის და/ან შეუსრულებლობის შემთხვევაში მეორე მხარეს უფლება აქვს წერილობით მიუთითოს მას აღნიშნულ გარემოებაზე და მოსთხოვოს მისი გამოსწორება გონივრულ ვადაში (რაც შეტყობინების სახით ეგზავნება მეორე მხარეს), ხოლო შეტყობინებაში მითითებული ვადის გასვლის შემდეგ შეწყვიტოს წინამდებარე ხელშეკრულება.

8.3. „მიმწოდებლის“ მიერ საქონლის მიწოდების ვადის გადაცილების შემთხვევაში, „შემსყიდველი“ უფლებამოსილია დააკისროს მას პირგასამტეხლო მისაწოდებელი საქონლის ღირებულების 0,1%-ის ოდენობით ყოველ ვადაგადაცილებულ დღეზე.

8.4. „შემსყიდველის“ მიერ წინამდებარე ხელშეკრულებით დადგენილ ვადებში მისაწოდებელი საქონლის ღირებულების გადაუხდელობის შემთხვევაში „მიმწოდებელი“ უფლებამოსილია დააკისროს მას პირგასამტეხლო გადაუხდელი თანხის 0,1%-ის ოდენობით ყოველ ვადაგადაცილებულ დღეზე.

8.5. იმ შემთხვევაში, თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10%-ს, „შემსყიდველს“ უფლება აქვს შეწყვიტოს ხელშეკრულება.

8.6. საჯარიმო სანქციის გადახდა არ ათავისუფლებს მხარეებს ძირითადი ვალდებულებების შესრულებისგან

8.7. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.

8.8. ხელშეკრულებიდან ვადამდე გასვლასთან, ხელშეკრულების შეწყვეტასთან და ზიანის ანაზღაურებასთან დაკავშირებული საკითხები რეგულირდება წინამდებარე ხელშეკრულებითა და საქართველოს სამოქალაქო კოდექსით.

მუხლი 9. ხელშეკრულების პირობების გადასინჯვა

9.1. წინამდებარე ხელშეკრულებაში ნებისმიერი ცვლილებისა და დამატების განხორციელება შეიძლება მხოლოდ წერილობითი ფორმით, რაც უნდა დადასტურდეს მხარეთა უფლებამოსილი პირების ხელმოწერით და დაერთოს წინამდებარე ხელშეკრულებას, როგორც მისი განუყოფელი ნაწილი.

9.2. ხელშეკრულების ფასის შეცვლა დასაშვებია მხოლოდ საქართველოს სამოქალაქო კოდექსის 398-ე მუხლით განსაზღვრული გარემოებების არსებობისას და დადგენილი წესით.

მუხლი 10. ფორს-მაჟორი

10.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს მაჟორულ გარემოებებად).

10.2. მხარემ, რომელსაც შეექმნა ფორს-მაჟორული გარემოება დაუყოვნებლივ წერილობით უნდა

ი. თადიაშვილი ე. ზაბახიძე გ. ქარაზანიშვილი ზ. ოქრომჭედლიძე ბ. გოგრიჭიანი ფ. სტეფნაძე

აცნობის მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

10.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

10.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

მუხლი 11. დავის გადაწყვეტა

11.1. მხარეებს შორის წინამდებარე ხელშეკრულებიდან გამომდინარე რაიმე დავის ან აზრთა სხვადასხვაობის წარმოქმნისას, მხარეები შეეცდებიან გადაწყვიტონ დავა მოლაპარაკების გზით.

11.2. თუ გონივრულ ვადაში სადავო საკითხის გადაწყვეტა მოლაპარაკებით ვერ მოხერხდება, დავის გადაწყვეტა მოხდება საქართველოს საერთო სასამართლოში საქართველოს მოქმედი კანონმდებლობის შესაბამისად.

მუხლი 12. დასკვნითი დებულებები

12.1. ხელშეკრულება შედგენილია ქართულ ენაზე და ორმხრივად დადასტურებულია ელექტრონულად.

12.2. წინამდებარე ხელშეკრულება და მასში გათვალისწინებული მხარეთა უფლება- მოვალეობები და ვალდებულებები რეგულირდება, განიმარტება და აღსრულებადია საქართველოს კანონმდებლობის შესაბამისად. წინამდებარე ხელშეკრულებით გათვალისწინებულ ურთიერთობებზე აგრეთვე ვრცელდება საქართველოს კანონმდებლობა.

12.3. ყველა შეტყობინება ამ ხელშეკრულებით ითვლება გაგზავნილად, თუ ის გაიგზავნა წერილობით ხელშეკრულებაში მითითებულ მხარის მისამართზე, ან ჩაბარდა მხარეს ხელზე

12.4. მხარეებს უფლება არა აქვთ წინამდებარე ხელშეკრულებიდან გამომდინარე უფლებები და მოვალეობები გადასცენ მესამე პირს მეორე მხარის წინასწარი წერილობითი თანხმობის გარეშე.

12.5. ხელშეკრულების ცალკეული მუხლის და/ან პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი დანართების ნამდვილობაზე.

12.6. ხელშეკრულების დანართები წარმოადგენენ მის განუყოფელ ნაწილს.

მუხლი 13. მხარეთა იურიდიული მისამართები და ხელმოწერები

„შემსყიდველი“ შპს „საქართველოს გაზის ტრანსპორტირების კომპანია“ მის.: ქ. თბილისი, ვახუშტის გზატკეცილი #21 ს/კ: 206103722 სს „საქართველოს ბანკი“ ბ/კ BAGAGE22 ა/ა GE15BG0000000175520100 გიორგი ხახუბია გენერალური დირექტორის მოადგილე	„მიმწოდებელი“ შპს „ჯეო ტექი“ მის.: ქ. თბილისი, აღმაშენებლის ხეივანი, №95 ს/კ: 425359989 სს „პროკრედიტ ბანკი“ ბ/კ MIBGGE22 ა/ა GE16PC0133600100062021 შალვა ასლამაზაშვილი დირექტორი
---	---

ი. თადიაშვილი ე. ზაბახიძე გ. ქარაზანიშვილი ზ. ოქრომჭედლიძე ბ. გოგრიჭიანი ფ. სტეფანაძე

N	დასახელება	მახასიათებლები	რ-ბა	წარმომადგენლის ქვეყანა მწარმოებელი/ ბრუნდი მოდელი	ერთეულის დირებულება	ჯამური დირებულება
1	მონიტორი	მატრიცის ტიპი : IPS ეკრანის დიაგონალი: 23.8" ეკრანის გაფართოება: 2560x1440 გამოსახულების ფორმატი: 16:9 ინტერფეისები: HDMI, DisplayPort	17	Lenovo Group Limited, Lenovo ThinkVision T24h-20, ჩინეთი	1040	17680
2	კომპიუტერი	კვების წყარო ATX, 900 W კონექტორები : 1 x PCIe 3.0/2.0 x16 (x16, x8/x4+x4) , 1 x PCIe 3.0/2.0 x16 (max at x4 mode), 4 x PCIe 3.0/2.0 x1 კვების ინტერფეისი: 24 pin დამატებითი კვება : 8 pin , FAN : 3 x Chassis Fan, 1 x CPU Fan, SATA : 2 x SATA 6Gb/s cable(s), Raid: 0, 1, 5, 10, მეხსიერების ტიპი - DDR4 პროცესორი: ბირთვების რაოდენობა : 8, არხების რაოდენობა : 16 სიხშირე: Base - 3.8 GHz; Max Turbo - 5.1 GHz, ქეში: 16 MB, მეხსიერების მაქსიმალური მოცულობა: 128gb ქულერი: შესაბამისი პროცესორისათვის ოპერატული მეხსიერება: DDR4 2666 MHz 32GB მყარი დისკი : SSD 512gb ვიდეო დაფა: მეხსიერების მოცულობა : 8 GB, მეხსიერების ტიპი : GDDR6, ინტერფეისი : PCIe 4.0, Graphics Clock : 1650MHz, Boost clock : 1905MHz, მეხსიერების ინტერფეისი : 256-bit, გამომავალი კონექტორები : HDMI 2.0b / DP1.4 x 3 კომპლექტაციაში კლავიატურა და მაუსი (usb)	10	კომპიუტერი აწყობილია საქართველოში, შპს ჯეო ტეჩის მიერ. შემაღენელი მაკომპლექტებლები: Apevia Corporation , Apevia 900W Signature series power supply ATX- SN900W, ჩინეთი. ASUSTeK Computer Inc., Asus PRIME Z490-P, ჩინეთი. Intel Corporation, Intel Core i7- 10700K, მაღალიზია. Deepcool ICE EDGE MINI FS V2.0. ჩინეთი. SK hynix Inc. SK HYNIX HMA81GU6CIR8N-VK, 4 ცალი, ჩინეთი. Patriot Memory Inc. Patriot P210 SSD 512GB SATA 3 Internal Solid State Drive 2.5" P210SS12G25, ტაივანი. ASRock Inc . Asrock Radeon RX 5700 XT Challenger D 8G OC RX5700XT CLD 8GO, ვიეტნამი. Changate Associated (HK) Limited, Defender Element HB- 520. ჩინეთი. Changate Associated (HK) Limited, Defender optimum MB- 270, ჩინეთი.	5198	51980
3	კაბელი	ტიპი: Hdmi სიგრძე: 3მ	7	Gembird Europe B.V., Gembird Cablexpert CC-HDMI4-10, ჩინეთი	7	49
4	კაბელი	ტიპი: DisplayPort to DisplayPort სიგრძე: 3მ	7	Shenzhen Magelei Electronic And Technology Co., Ltd. MGL_DP0321, ჩინეთი	17	119
5	ეკრანი	დიაგონალი: 55" ტექნოლოგია: Quantum dot LED ინტერფეისები: 4xHDMI, 1xRJ45 კედელზე სამაგრე: ეკრანთან თავსებადი (მოყვება სამაგრი)	2	Samsung Electronics Co. Ltd , Samsung QE55Q70TAUXXRU, რუსეთი	3830	7660
6	პრინტერი	პრინტერის ფუნქციები: ბეჭდვა, სკანირება, კოპირება, ფაქსი. ფორმატი: A4 ბეჭდვის ტიპი: ფერადი და მონოქრომატული ბეჭდვის სიჩქარე: ფერადი - 10 გვ/წთ ; მონოქრომატული 15 გვ/წთ წერტილების რაოდენობა: 1200 x 1200 dpi ინტერფეისი: 1 x usb პორტი ; 1 x Ethernet პორტი (RJ45) სახარჯი მასალა: ქარხნული რაოდენობის სახარჯი მასალა (კარტრიჯი) და დამატებით თითოეულ პრინტერს თითო სათადარიგო ქარხნული (შემოთავაზებული პრინტერის მწარმოებლის)	5	The Hewlett-Packard Company, HP ENVY Photo 7830 Wireless All-in- One Printer, ჩინეთი	950	4750

ი. თადიაშვილი ე. ზაბახიძე გ. ქარაზანიშვილი ზ. ოქრომჭედლიძე ბ. გოგრიჭიანი ფ. სტეფნაძე

		კარტრიჯი				
7	CD დისკი	კომპაქტური დისკი, ჩაწერადი (recordable) CD-R ტიპის	3200	The Eastman Kodak Company , kodak 1210150, ჩინეთი	0.55	1760
8	ნოუტბუქი (ლეპტოპი)	ეკრანის ზომა - 14" გაფართობა - 1920X1080; პროცესორი - : ბირთვი - 4, ნაკადი - 8, სიხშირე - 1.80 GHz; ტურბო სიხშირე - 4.60 GHz; ოპერატიული მეხსიერება - 8GB 2400; ოპერატიული მეხსიერების ტიპი - DDR4; მყარი დისკი - SSD 256GB; პორტები და სლოტები -: 4 x USB 3.1. (2 x type A, 2x TypeC), HDMI, 1 x Ethernet Lan; ფუნქციები - ჩამენებული: 2 x დინამიკი (speaker), 1 x ვებ კამერა, 2 x მიკროფონი;"	2	Lenovo Group Limited, Lenovo ThinkPad T490s, ჩინეთი	3300	6600
9	გალამყვანი	ტიპი: USB to Serial RS-232 სიგრძე: 1.8 მ	2	Shenzhen Union Electronics Co., Ltd. FTDI UC-UR02, ჩინეთი	28	56
10	მეხსიერების ბარათი	ტიპი : SSD ინტერფეისი : PCIe Gen 3.0 x 4, NVMe 1.3 მოცულობა : 500 GB წაკითხვის სიჩქარე: (მაქს. 3500 MB/s) ჩაწერის სიჩქარე: (მაქს. 3200 MB/s) ზომა : M2"	10	Samsung Electronics Co. Ltd , Samsung 970 EVO Plus MZ- V7S500BW, სამხრეთ კორეა	430	4300
ჯამი დღგ-ს ჩათვლით						94954

გარანტია: თითოეულ პოზიციაზე მიღება-ჩაბარების გაფორმებიდან 1 წელი.

მიწოდების ადგილი: ქ. თბილისი, მზს "საქართველოს გაზის ტრანსპორტირების კომპანია", გლდანის რაიონი, I მ/რ მიმდებარედ, (ნაკვეთი N1/40)

მიწოდების ვადა: ხელშეკრულების გაფორმებიდან 30 (ოცდაათი) კალენდარული დღის განმავლობაში

ი. თადიაშვილი ე. ზაზაბიძე გ. ქარაზანიშვილი ზ. ოქრომჭედლიძე ბ. გოგრიჭიანი ფ. სტეფნაძე